

啟禎兩朝剝復錄

啟禎兩朝剝復錄五卷

貴池吳應箕集

崇禎九月

野臣曰書九月慶之也蓋是時

熹宗方晏駕今

上已登極矣諸奸以次削除而前之蒙難死者以次
昭雪被廢幸存者亦以次登用矣削除則書之
其昭雪登用不書者以是時逆案未定薦舉多
雜前之附逆者多登啟事懼後之混其實也故

闕之己巳以後則逆案定矣不書者不敢書也
太僕寺卿陳殷准回籍守制

監生陸萬齡曹代何儲寓奇嚴行提究追贓正罪
司業朱之俊叅之也○之俊以忠賢功不在孟子
下曾榜示通衢先是陸萬齡等以逆璫比孔孟請
建祠于國學之西真萬世之罪人也至是司業以
其借旨射利糾之而尙未敢頌言其建祠之謬
者

十月

延綬巡撫朱童蒙准回籍守制

工部尙書李養德准回籍守制

觀此則從前皆奪情世界矣悲夫

兵部尙書崔呈秀准回籍守制

璫事將敗御史楊維垣卽首劾呈秀以護局然疏中猶稱厥臣公厥臣不愛錢厥臣爲國爲民等語時賈繼春爲南學臣劾呈秀之疏亦至

工部尙書吳淳夫准歸養

太監魏忠賢准回私宅調理

國公魏良卿改錦衣衛指揮使候魏良棟改指揮同知伯魏鵬翼改指揮僉事

御史倪文煥准回籍侍養

監生陸萬齡曹代何法司究問李映日革去衣巾

通政呂圖南疏也圖南爲錢嘉徵所糾然後及此
魏忠賢生祠盡行折毀變價

經歷孫如冽送刑部擬罪

兵部尙書崔呈秀着九卿科道從公會勘其子舉人
崔鐸覆試定奪

以禮科吳弘業叅之也弘業亦不叅不得矣

原任浙江巡撫潘汝禎着行削籍追奪誥命

奉 旨以首建生祠爲患失鄙夫

十一月

兵部尙書田吉准回籍

太監魏忠賢着降小火者發鳳陽司香

奉 聖諭也

火者魏忠賢着錦衣衛差的當官旂扭解押赴彼處
交割

兵部接出 聖諭朕御極以來深思治理有逆惡
魏忠賢擅竊國柄蠹盜內帑誣害忠良艸菅多命
狠如狼虎本當肆市以雪衆冤姑從輕降鳳陽矧
巨惡不思自改輒敢將素蓄亾命之徒身帶凶器
不勝其數環擁隨護勢若叛然朕心甚惡着錦衣
衛卽差的當官旂前去扭解押赴彼處交割明白
其經過地方各該撫按等官多撥官兵沿途護送
所有跟隨羣奸卽便擒拿具奏毋得縱容遺患若
有疎虞責有所歸爾兵部馬上差官星速傳示各

該衙門特 諭

時忠賢聞報卽夜縊于阜城店中

操江劉志選削籍爲民

以張文熙叅其離間母后也

都司蕭惟中拏問正罪

惟中爲呈秀之妓兄也以樂戶爲都司到任曾爲
諸生所歐罵者

吏部尙書周應秋准回籍調理

府尹李春茂着冠帶閒住

主事劉夢潮叅之也

兵部尙書崔呈秀先行削了籍爲民追奪誥命餘俟會勘定奪

呈秀聞忠賢死卽自經于家

吏科陳爾翼着冠帶閒住

刑部侍郎陳九疇准回籍

戶部尙書張我續准回籍

魏忠賢客氏籍沒

刑部尙書薛貞總督劉詔准回籍

副都李夔龍准回籍

工部尙書孫杰着回籍

魏良卿收捕遣戍

崔呈秀籍沒着法司按律擬罪

光祿寺卿魏持衡准回籍

十二月

大學士黃立極馳驛歸里

寺丞許志吉撤回該部議處

黃山一案

茶毒鄉里不遺餘力至是新安之

民如釋湯火

巡撫李精白終養

魏良卿籍沒

刑部侍郎李若珪回籍

舉人崔鐸着襁革送法司究擬

監生陸萬齡等監候處決

主事門洞開削籍爲民

魏良卿

客

克光等會官處決

五虎李夔龍等五彪田爾耕等照各官削沒法司依

野臣曰維垣始終護璫疏中以徐大化王養浩
姚應嘉爲正人而甚詆鄒黨趙黨熊黨蓋猶堅
持三案而爲崔魏收殘局也元璐再疏與辨詞
嚴義正論者以爲邪正之分得此而定蓋

龍飛之第一疏云是時助維垣而駁元璐者安伸宋
景雲也

二月

巡撫朱一馮洪瞻祖牟志堯學愈虞大復着看議來
說

刑部尚書蘇茂相回籍

戶部尚書郭允厚回籍

兵部尚書秦士文回籍

李養德楊夢衮削職聽勘劉志選梁夢環劉紹俱撫

按察解來京究問

崇正秀斬首示衆

焦馨張九德周維京回籍

簡討李若琳回籍

三月

單明詔何宗聖都着削籍爲民

吏部尙書周應秋工部侍郎張文郁回籍

魏煥乘叅疏中有田吉劉詔單明詔等以一二年
知縣而躡至尙書李養德何宗聖張文郁以一二
年部郎而躡官保卿貳又云互將魏忠賢金杯中
姓名逐一察究

督師王之臣回籍

以刑科薛國觀叅之也○國觀薛貞之侄也貞殺
人媚人而國觀不爲救正且多爲逆璫驅除爲公

論不與已巳京察得免時有語云沈惟炳主察漏
薛錢謙益枚卜遭溫蓋是年溫體仁以科場事訐
謙益故也溫曾爲魏璫作詩及爲相數年章蒲公
車後薛亦游至首輔以受賄削籍被逮爲三百年
閣臣之辱

黃運泰董茂中都着該部看議運泰回籍
兵部侍郎趙紱回籍

秦士文張訥智鋌部院議處

巡撫李精白回籍

戶部侍郎王瑊着吏部卽看議具奏

李魯生李蕃詳覈議處來說隨俱回籍閒住

以給事汪始亨顏繼祖御史張三謨等叅之也

戶部侍郎李嵩回籍張三傑馮時行都看議來說時
行致仕三傑閒住

聶慎行着部院看議

總督張鳳翼回籍王繼曾楊景明分別議處

大學士施鳳來張瑞圖馳驛歸里

兵部尙書閻鳴泰回籍

楊惟和袁燦史永安王之采吳孔嘉都看議來說
僕卿郭興治少卿王繼曾俱回籍

吏部左侍郎許宗禮御史卓邁回籍

光少卿曹履吉着吏部酌議主事季寓庸削籍着撫
按勘明具奏

南道張善政終之也

石三畏曹欽程等會議處

陳九疇等着分別確議

御史梁炳日講吳孔嘉回籍

四月

選郎張樵考該部看議來說

兵部郎中王登三回籍

御史鮑奇謨張養素議處劉徽莊謙回籍

張朴棟袁鼎分別議處孫杰事情并恩蔭着勘明具覆

巡撫郭增光回籍

吏部尚書房壯麗回籍

左都曹思誠回籍

兵科彭祖壽叅其錦屏頌德金杯篇名且與魏良

卿締結婚姻希圖固結

巡撫楊邦憲辛日齊分別議處

李應選議處張樞張機行巡按提解來京究問

五月

副都楊所修回籍

御史溫臯謨回籍

御史楊維垣着革職爲民

以御史任贊化鄒毓祚等叅之也

大學士李國楨馳驛歸里

先御史羅元賓糾其曲庇張體乾田爾耕許顯純
又糾其通內佐逆營私賣國云云

戎政尚書霍維華開任

原任祭酒湯賓尹不必議用

趙璫將以邊疆起賓尹賓尹若得志正人無噍類
矣賓尹聞忠賢死卽狂悖失志狼狽而死死後爲
被害者破其塚

延撫朱童蒙開任張訥部院勘議李應薦回籍胡克
開勘議處分

徐紹吉謝啟光聽自引退紹吉着冠帶閒住

阮大鍼閒住

御史毛羽健叅之也

楊所修閒住田景新革職爲民

劉弘化回籍

日講孫之獬回籍

之獬爲崔鐸座師又哭三朝要典

張訥革職爲民朱國盛閒住虞德隆着致仕

孫肇興喬淳着彼處撫按勘實具奏

戶部尙書張樸回籍

白太始革職爲民

太始爲十孩兒之一

薛貞革職爲民

工部尙書劉廷元回籍

袁弘勛着革職爲民

以給事鄧英叅之也弘勛疏極詆孫慎行王之寀
得罪宗廟左光斗周朝瑞等孽自己作愆世揚毛
士龍斷不可使有死灰復燃之望

許志吉呂下問俱革職爲民該撫按速追贓助餉
大學士顧秉謙都着削去兩次恩廕

六月

太僕寺正卿高弘圖回籍

禮部尙書孟紹虞回籍

郭鞏閒住楊惟和憲秩着卽與削去

巡撫陸文獻李燦然俱回籍

副都張素養回籍

御史史堃回籍

望得漏網復用巡鹽貪恣最爲奸人之雄至十三
年而後敗

案律着看議來說

黃運泰周應秋閻鳴泰俱革職爲民

巡撫郭尙友回籍

孫杰削籍爲民

尹同舉看議具奏

張春該撫按提勘

提學周昌晉回籍

昌晉于諸賢既卹之後猶痛加詆斥

大學士馮銓着削了恩蔭

與顧秉謙皆御史張茂梧忝之也

曹欽程着法司依律擬罪

徐大化着原籍去楊維垣不許潛住京師

員外李桂芳着削了籍提來問罪俞咨臯速提正法

郭興治着削籍爲民

辛思齊削職范濟世閒住卓萬章職爲民

大學士楊景辰馳驛歸里

大學士來宗道馳驛歸里

詹以晉削籍爲民

大學士魏廣徵炤先朝處分焦芳例除名爲民誥命
恩廢一并追奪

御史陳保泰回籍

秦士文智鋌閒任王璠著作速回奏

七月

石三畏削戕爲民

建撫宋漢禎回籍

總督李從心回籍

御史劉漢回籍

陳九疇閒住

顧秉謙盡削去恩蔭李魯生革職爲民

李逢節回籍

張我續着革了耿岳駿聲潘士聞呂圖南王琪珙看議具覆

趙鳴陽該撫按解京究問

以其爲忠賢主革之人也

張士範張星下法司擬罪

陳保泰閒任王汝鯤革職爲民
鮑奇謨閒任張養素削職爲民

總督張曉回籍

太常卿蔣一驄回籍

八月

周家椿王應泰該部從公覆奏褚泰初撫按勘奏渠
家禎張翼明依律重處

刑部尙書潘濬回籍

泰政郭士望降四級

御史陳以瑞該部看議具奏

試官孫之獬徐時泰陳具慶俱削職爲民林萃芳岑之豹周昌晉降三級曹谷陳保泰勘議具奏

助教施元徵叅之也先是北場以私中崔鐸南場中周錄七周應秋子也壬北試者徐時泰孫之獬壬南試者陳具慶張士範士範先已論削矣林萃芳岑之豹其房考也周昌晉陳保泰曹谷則南北督學也○時設爲崔鐸周錄相對答之詞錄曰汝

座師爲孫之獬廌是畜生鐸曰汝房考爲岑之豹
豹非人類錄又曰汝父秀靠魏作頭今是砍頭本
兵鐸曰汝父秋倚魏爲身今是分屍太宰可發一
笑

行人司韓敬閒住

邵輔忠閒住黃憲卿革職爲民

張鶴鳴回籍

郭尙友郭允厚牟志夔看議來說游鳳翔陳殷周維
持關住

薛鳳翔張化愚着革職爲民

吳孔嘉削職爲民張汝懋劉徽間任

楊邦憲革職爲民

張惟一陳朝輔間任惟一逐款嚴勘具奏

九月

呂純如回籍呂圖南削籍爲民

許其孝李應薦間任孫國禎看議來說

許宗禮間任許可徵削職爲民

張士範會審具奏

田吉等監候

楊惟相和革取蔡奕琛看議來說

胡芳桂削籍

晏春鴻回籍

工部尙書劉廷元看議來說巡撫張翌明提解來京
究問

陳其柱回籍潘雲翼魏應嘉閒住

十月

喬應甲生前官皆益行追削原贓速解

張曉速提解來京問擬陳以瑞削籍爲民

王紹徽着削生前官塔并追停贈卹

郭如闇回籍

倪文煥劉志選梁夢環曹欽程該部卽具奏提到幾人該撫按何日奉旨何日起解七役何名逗畱何故着自行回話

京察前已經處分各官○俱係逆黨并附逆者
削奪

潘汝禎

提問

許志吉

張翌明

田吉

曹欽程

袁弘勳

削籍爲民

呂國南

詹以晉

張文郁

單明詔

何宗聖

徐時泰

孫之解

陳具慶

吳孔嘉

李春茂

許可徵

陳以瑞

郭興治

李春燁

卓邁

李魯生

楊維垣

薛貞

黃運泰

周應秋

閻鳴泰

王家禎

薛鳳翔

李精白

黃憲卿

王甲俊

張化愚

劉述祖

楊邦憲

楊惟相

王新民

田弘慈

張訥

田景新

朱一馮

賈繼春

阮大鍼

傅懋

孫織錦

劉志選

季寓庸

孫杰

李桂芳

辛思齊

石三畏

張養素

楊夢衮

李養德

張惟一

張我續

革職聽勘

馬任遠

閒住

李恒茂

范濟世

李蕃

陳尔翼

許其進

劉繩祖

董懋忠

王繼曾

張三傑

霍維華

朱童蒙

楊所修

徐紹吉

朱國盛

周

錫

汪洛

郭鞏

智鋌

張樸

袁

周

張友程

鮑奇謨

韓敬

岳駿聲

邵輔忠

牟志夔

游龍翔

陳殷

周維持

張汝懋

劉檄

陳朝輔

許其孝

李應薦

許宗禮

張文熙

李士昌

王應泰

潘雲翼

魏應銘

李思誠

楊惟和

袁熿

何早

周昌晉

孫國禎

王登三

張惟樞

致仕

曹谷

洪瞻祖

王城

回籍

楊邦憲

姚宗文

胡廷晏

李應公

李逢節

降級

周良材

徐四岳

司迺彊

王珙

汪若極

聶慎行

于元燁

調外

潘士聞

看試

張樞芳 趙胤昌 尹同舉 郭尙友 郭允厚

蔡奕琛 鍾廷元 馮時行

酌議

曹履吉 彭參

免議

莊起元 陳維新 劉漢

啟禎兩朝剝復錄七卷

目錄

熹朝忠節死臣傳

吏部尙書趙公南星

兵部尙書高公攀龍

兵部尙書楊公漣

二傳已刻入前集

都御史左公光斗

翰林院侍讀學士繆公昌期

太僕寺卿顧公大章

河南道御史袁公化中

太僕寺卿周公朝瑞

福建道御史周公宗建

兵部左侍郎周公起元

吏部都給事魏公大中傳逸

刑部侍郎王公之寀傳逸

吏部員外周公順昌傳逸

山東道御史黃公尊素傳逸

福建道御史李公應昇傳逸

御史萬公燦傳

逸

嗚呼忠節傳存十傳罹兵燹逸六傳脩文
章有霸六傳之遺稿復見于世則幸矣後
之讀者知東林諸公忠烈之慘併浚憾小
人之害人家國以致明季之所以敗也又
不勝感慨繫之矣

孤孟堅識

啟禎兩朝剝復錄七卷

秋浦吳應箕纂

熹朝忠節死臣列傳

野臣曰初魏忠賢亂政首撓禍杖死者萬燦也後因汪文言獄逮死者六人楊漣左光斗魏大中袁化中周朝瑞顧大章後又因李實誣奏逮死者七人則周起元周順昌高攀龍李應昇黃尊素并先逮周宗建繆昌期也以吏部尙書遣戍遇赦爲逆黨所抑卒死于戍所者趙南星以爭挺擊首功爲

逆黨論劾逮死獄中者王之案各有傳共十六人
他如劉鐸之以詩語譏訕棄市夏之令以阻撓毛
帥逮死蘇繼歐丁軋學吳裕中張汶吳懷賢或縊
死怖死仰藥死杖死皆以逆瑞死者也因附名以
見

嗚呼自古闖宦之禍烈矣未有如忠賢之甚者也
夫內廷與闖宦角卒不勝故卒死如振如瑾其禍
而死者何累累也外廷與闖宦角恐不勝而借手
于閹則自古至今于忠賢時爲僅見耳嗚呼不有

死者其時可忍言哉諸臣死十有餘年矣余恐後
此聽聞之言或失其實則死者有知謂當世何于
是各條次其本末而爲之傳要之所爲 嘉朝者
可考而知也卽以使未死者皆有所感而已崇禎
庚辰春王 月

太子太保吏部尙書忠毅趙公 傳

南星字夢白號儕鶴北直高邑人萬曆甲戌年進士
其所爲舉子業最有聲爲吏部再舉再起考功郎綰
察剛介爲近代第一以忤執政罷已三十年年七十

餘矣 光宗登極卽起工部侍郎天啟初總憲爲
冢宰以廷推事忤內罷歸爲逆黨論劾謫戍代州卒
死戍所其子皆遣戍崇禎初復官廕賜諡予祭葬
如例初南星爲選司也疏陳剖露良心極直切所抨
擊皆快人心有一給事與左卽引疾歸平湖陸光祖
太宰將太國特起之田間因覆疏又與新建張相左
時冢宰爲餘姚孫瓏有執持所置司官極一時之選
南星爲考功主計一切權勢無所關其說而臺省長
預計事者不使知內閣太倉相王蘭溪相趙及新建

張相盡喪私人其所斥吏主事卽家卿甥一給事卽南星姻家也論者謂國朝二百餘年此考功爲僅見然閹豎之濫而臺省恥不與聞也于是因言者奪家卿俸外謫南星又以總憲李世達論救加削籍當是時朝士無不憤惋而魏允貞顧憲成等數十人共疏爭成遭放逐後遂有黨人之禍終逆黨時以門戶處者皆由此也天啟癸亥南星總西臺狎主京察去前考功時已五閱察矣時元趙亂政作公四凶議以堅太宰意所劾斥畧與癸丑等已爲尙書吏部益振勵

以澄清爲已任疏再剖良心蓋與三十年疏相啗答也調鄒維璉考功用魏大中首垣冒嫌以高攀龍爲總憲皆犯時忌語在諸臣傳中會與南樂相魏廣微失廣微卽允貞子也南星素子畜之後以嫺忠賢故益示峻一日廣微于廣坐詆李三才南星正色曰李公尊公執友也少年何得輕議前輩初允貞被斥削三才爲南戶郎獨抗疏救而相以附時局詆李故南星云然又一日廣微踵門見闡者以脫幘拒相發怒曰麾我耶然吾官尊未可麾也恨入骨于是與忠賢

謀而嚙之曰不首公南星吾兩人未知死所南星去
餘振落耳未幾以會推普撫切責黨比罷南星歸蒲
州相韓以疏救亦罷踰年凡爲南星用者盡斥國送
空逆黨張訥石三畏等先後誣劾南星起大獄行撫
按鞠訊承望風旨者辱南星訟庭子清衡甥王鍾麗
遭捶楚桁楊于市觀者皆而泣坐賍一萬五千兩罄
產不完十之一也微義助清衡死蔽朴忠獻上南星
以毫得贖中旨不許戍代州清衡莊浪鍾麗永昌累
累並發生短轅攜書一簡自隨南星執劍手仰天祝

曰兩人往戍所安閉門讀書彼蒼不終憤憤也至代
州僦小樓居顏曰吉祥掃土室題味藥齋日夕開卷
自娛崇禎初肆赦撫臣牟志夔故畱滯不予歸卒死
戍所臨死曰吾可下見楊左諸公矣南星以舉業著
名亦十餘年學士誦法不衰皆稱之曰儂鶴先生後
十年而全集始出其古文原本史記條石歐蘇風詩
于杜工部殆欲近之自萬曆以來凡以氣節文章著
者惟南星稱全云

嗚呼朋黨之說歐陽子比之作備予觀天啟甲子

以後事而信其言之痛切也初高邑爲考功銅也以黨爲太宰罷也以黨卒以黨死成黨人豈眞負國家哉而銅之罷之死之者何忍奉一刑餘以自殄瘁其國也故爲朋黨之說而有後者聖人之言其不驗歟諸死者皆以黨累趙太宰實始終之故大臣而受禍烈未有如太宰者也雖然黨禍無不烈者不烈亦烏在其爲太宰也

贈太子少保兵部尙書都察院左都御史忠憲

高公傳

攀龍字存之別號景逸南直無錫人少從同邑顧憲
成講學知入道之要中萬曆己丑進士出高邑趙南
星門選行人適僉事張世則疏詆朱程請改傳註攀
龍奮狀爭癸巳太倉相當國趙南星爲考功與牴牾
有附閣攻部者罷南星時攀龍奉使還卽上疏爭語
侵閣降典史揭陽歸益勵志于學與顧憲成荆東林
書院聚諸同志相切劘後邪黨以門戶攻東林者卽
此也家居三十載天啟元年起爲光祿丞晉少卿尋
轉僕卿時鄒元標馮從吾以總憲講學數邪臣朱童

蒙郭允厚詆之攀龍上疏辯又禮尙書孫慎行以紅
先事攻方相從哲并會議三案攀龍力持正論因辨
揭大要謂調停隱忍是君父身上事執大義守法紀
君仇必報君賊必討是臣子身上事時以爲要典三
案非斯言不能折居無何起少司寇甲子入都則楊
漣罪璫疏上中及枚卜事蓋指南樂魏相也魏志欲
與璫合而外廷復以事權相齟齬機漸惡攀龍備極維
挽得未卽裂會總憲缺廷推攀龍時南星爲太宰攀
龍以門牆嫌力辭不允甫入臺激揚風采卽發淮揚

按臣崔呈秀職巨萬醜職造成天下快之呈秀迫則
伏輦轂歸命忠賢圖報復而魏相復與令于是借會
推事并逐銓省諸臣語在大中及尊素傳中乙丑詔
獄起連及攀能會錦衣有力持者得免已因游鳳翔
疏削奪已又詔毀東林書院攀龍杜門不通賓客內
寅聞先逮繆昌期周宗建攀龍知不免一日聞官旂
信笑曰果狀矣及晚與家人聚酌如常將寢信急于
是整衣起從容入書齋謂諸子曰吾稍料理就道計
無恐怖家人也作字二紙鑲篋中復入內與夫人語

半晌出取所封紙置几上指示兩孫明日以此付官
旂勿先發因扃戶移時聲息寂然諸子推戶入見燈
火熒熒杳無踪跡發所封乃遺表也云臣雖削奪舊
繫大臣大臣受辱則辱國故北向叩頭從屈平之遺
狀 國恩未報願結來生臣攀龍坐絕書乞使者執
此報 皇上復有別友人書云僕得從李元禮范孟
博遊矣一生學問至此亦得少力心如太虛本無生
死何幻質之足戀乎諸子惶駭從旁屏奔池畔則已
赴水死時先後就逮諸臣皆拷死詔獄所不辱者惟

華龍一人而已 今上下詔褒卹贈官予廕賜祭葬
謚曰忠憲

贈詹事府詹事翰林院侍讀學士繆公 傳

昌期字當時號西溪南直江陰人自諸生至鄉舉皆
困場屋其文名籍甚至萬曆癸丑年踰五十矣始登
第時福唐相葉主試以宿士選入翰林是時常熬令
楊漣方以考選候補與往來密稱石交乙卯五月挺
擊事起巡城御史劉廷元阿後宮主風癩而御史劉
光復亦有言官無居首功無視爲奇貨等語昌期憤

甚每語人曰某以風癩二字出脫亂臣賊子某以奇貨首功四字抹殺忠臣義士而倡風癩者切齒因嗾給事劉文炳論劾昌期拂衣歸庚申 光宗御極一

時正人嚮用南昌相劉燾入補職尋主試湖廣號得士程論引趙高仇士良語犯時忌甲子逆璫忠賢勢橫甚時楊漣爲都御史左光斗僉院三人嘗私相痛憤漣推案起曰不誅此奴何以報國因商具疏論劾昌期恃福唐相爲助庶幾事濟于是漣決意上疏疏上昌期以大義動相葉語過慙失相意相亦上密揭

不行遂引歸葉歸蒲州相韓亦雅意嚮之昌期猶冀
 挽萬一狀璫術之切無何事機變而韓亦公國矣于
 是正人次第削及楊左出都門昌期持具送會推掌
 南翰林院忠賢遣小璫到閣厲聲曰繆昌期還畱他
 送客于是請告歸璫矯旨閒任已削籍旋逮問方被
 逮時先三日聞昌期日早知此矣與應山同事應與
 應山同禍應山謂楊漣也逮至下鎮撫獄捏贓三千
 受全刑內傳于昌期手上另加一扭而媚璫者謂楊
 漣疏二十四大罪爲昌期代艸故忠賢恨入骨然實

非出昌期手也昌期卒拷死 今上初受卹廕同諸
臣方昌期就檻車猶自疏年譜內言所以與葉相失
者甚詳有就逮諸詩天下讀而悲之

余讀太史檻車中所自譜者以爲其死也由與福
清相之微嫌斯言過矣夫福清負其權智謂不得
已而如長沙之于瑾或可救敗而殺禍事勢中變
卽福清如之何哉且夫李夢陽不以韓文死而太
史以梁谿死死機決發卽福清蒲州新建三君子
之免者幸耳太史其何憾也或謂太史犯國武子

之戒實有死道嗚呼于斯時爲斯言者必亂賊也
假時無太史諸人之犯死道三綱絕五倫敦矣無
道嘿容聖人之言豈謂是歟新安黃尙寶爲予言
當廣寧陷沒太史欲有所爭于福清先過尙寶曰
余言慙恐觸忌公幸與俱語間當爲劑之及過福
清論置將語未合太史勃然曰老師果爾非削國
之相卽亡國之相矣福清一時語塞狀氣急幾暈
絕夫福清名寬大而至不能受太史之好盡可知
由此觀之則太史之不能無望于福清也蓋有以

夫

贈太僕寺卿禮部郎中顧公 傳

大章字伯欽別號塵客南直常熟人萬曆丁未進士
先爲李官福建改教常州時中朝方爭門戶而正人
日就摧折慨狀曰昔賈彪不入顧厨之日卒西行以
解其難余向與東林疎此正可以彪自況也補國子
博士頗有所效力于是已犯時忌矣辛酉主廣西試
號得士還朝則福清相葉與南昌劉相有微嫌兩相
皆賢者而間于羣小于是大章及繆翰林昌期卒善

解之未幾廣寧陷沒時經畧熊廷弼巡撫王化貞以
議戰守不協卒債事兩臣俱就逮而王紀方爲大司
寇材大章以大獄屬之獄詞出傳誦天下當是時經
罪微薄于撫故獄詞有微旨乃兆禍卒以此保姆客
氏與忠賢比而亂政雖昔之趙燒王聖不能過也司
寇紀首攻之附逆者以疏出大章手故內嚙之思甘
心焉邪臣楊維垣連劾大章繫前獄受賂多大章反
覆辯旋引疾歸二年起武庫郎調主客時璫禍大
作諸奸合謀以汪文言獄逮大章下鎮撫司坐贓四

萬兩受五毒贓完移法司定罪復下鎮撫大章歎曰
士不再辱遂投繯而卒今 上初受贈卹如六臣初
大章下詔獄獄中樹生黃芝六瓣獄卒以賀大章曰
芝瑞物也而困于獄吾六人其以此終乎下刑部時
庶幾有更生之望乃猶加笞定罪時合議者逆党爲
多也附獄詞于後

贈大僕寺卿河南道御史袁公傳

化中號隅字山東武定州人萬曆丁未進士令內黃
有聲齊魯涇縣治最拜御史 熹宗初年化中覩時

事不平屢疏斥逆璫忠賢浚幣之會掌河南道時崔
呈秀巡視淮揚薦牘視賄高下又多受金縱盜賍私
狼籍及回道考察化中論劾之總院者高攀龍亦具
呈直糾呈秀考功鄒維璉部覆提問追賍擬遣戍于
是呈秀投身忠賢圖報復甲子傳檄論汪文言及魏
大中左光斗化中疏辯以吏部會推事逐趙南星等
已又因陳于廷會推謂化中扶同削籍後逆黨誣劾
楊左并逮化中羅織移宮封疆兩案坐賍六千兩許
顯純高坐叱咤加全刑賍完當發刑部繫頭顏紫手

薨之今上優卹寃臣特贈官廕一子

贈大僕寺卿禮科周公傳

朝瑞字思永號衡臺山東臨清人中萬曆丁未進士
任中書舍人選爲給事與同官楊漣最善光朝時
朝瑞請蠲免金花銀忤旨謫外天啟初召還原官
時移宮事起與給事恉世揚左右楊漣爭甚力御史
賈繼春有安選侍之議朝瑞于是三揭難辨犯時忌
會東南交變暫停經筵疏請及時講學侵近侍有借
叢指鹿等語魏客俱恨之乙丑汪文言獄起奸党用

前忌誣奏逮下鎮撫司拷掠坐贓一萬朝瑞家故不
貧不兩月贓完時楊左袁魏已死矣朝瑞以贓完庶
幾出獄忽一日與顧大章及孟弁共飯獄卒急呼出
頃之畢命今上御極贈廕如逮死五人世揚亦下
獄拷掠以熹宗崩遇赦得不死初朝臣王紹徽撰
東林點將錄逆党有指示忠賢者曰此一百八人皆
欲殺祖爺者也忠賢入其說于是擇渠魁十人逮之
名已定諸奸復推敲數日夜故先逮六人六人者皆
有傳其誣坐朝瑞事具大章傳刑部獄詞中

贈太僕卿福建道御史周公 傳

宗建字季侯南直吳江人萬曆癸丑進士有文名令武康調仁和以治最拜御史遇事敢言疏凡數十上天下稱之天啟初逆璫忠賢初名進安與客氏交通肆虐宗建首發其奸癸亥疏劾奸臣郭鞏附閹撓治語侵忠賢有目不識丁之語忠賢恚甚擬廷杖論死以福清蒲州二相力救得解又大璫劉朝者有典兵行邊之舉宗建陳十害引王振劉瑾爲戒事得已朕內銜之深未幾奉差歸丁艱逾年而璫禍作乙丑工

部主事曹欽程論劾宗建削籍聽勘欽程者最貪邪
無行爲吳江令士類共棄之于是首應忠賢募論劾
宗建及吳煥張愼言李應昇黃尊素五御史後逮死
者三人蓋逆璫時縉紳之禍始于傅樾而在東南者
則由欽程也宗建聽勘巡撫毛一鷺承 旨坐贓未
幾以李實奏逮下鎮撫坦贓一萬三千餘兩宗建至
獄獄弁許顯純崔應元等曰汝是首發禍種久辦極
刑待汝遂受五毒以死至今 上獨贓子贈卹

余觀丙寅年就逮七人天下悲之無間言獨于吳

江有微憾謂其先所薦劾者多未覈以是疑其所
嚮夫甲子六月以前閹惡未章也而首發大奸者
誰乎至今讀其疏光爭日月矣况其卒以是死也
天下惟死者難耳西江之龔肆其狂噬猶未卽嬰
刀鋸而獨苛夫死者則何不想之甚也

贈兵部左侍郎巡撫周公傳

起元字仲先號綿貞福建之海澄人也萬曆庚子舉
鄉試第一旋第進士令浮梁調南昌皆治最內召
候考選有某評士挾怨欲孽之富平太宰孫丕揚察

其誣曰周某不考則評士重處于是授御史辛亥京
察後朝臣以黨相爭而攻東林道學之議起起元駁
之大爲時忌後出爲藩臬歷數省所在著名天啟癸
亥陞太僕卿尋巡撫應天會有李實及朱童蒙之事
語詳周順昌傳起元之罷也以逆黨搆之時順昌以
吏部家居爲文以贈其畧曰人臣之公國與國家之
治亂每相應巡撫大吏天子不輕議公况議削更以
參屬官削也雖然能奪公以官不能奪其名公公而
郡邑守有所顧忌不敢以身徇璫繼公撫吳者終不

能趙炎附羶翻一成之案而卽今因公叅得美官諸
人亦色沮心怵賈世大詆海內仗節秉鉞之臣以察
吏安民挺持乎震風凌雨之中謂公以削去報天子
可也文臣無不嚙指順昌咤憤自若後卒以黨比與
順昌等並逮下鎮撫司坐贓拷掠死後寃雪受贈卽
廕一子起元居官清其爭楊姜劾朱童蒙最有執持
吳人至今稱之

遺文 係魏大中傳內語附存

謫忠賢假子傳應星繼教爲兄弟魏爲驅除異己

吏科都給事缺巧倖工科之陞以予阮大鍼事泄
缺爲大中得鍼疑光斗發其謀于是概論及之

不孝男孟堅孫

銘道
銘節

本忠
銘孝

全泣血編輯

銘義
銘德

附東林本末序

書共六卷存陳其年維崧大史家

東林者門戶之別名也門戶者又朋黨之別號夫小人欲空人國必加之以朋黨于是東林之名最著而受禍爲獨深要亦何負于人國哉東林爭言真僞其真者必不負國家僞者反至負東林此實何歟蓋起事至五六十一年相傳多失其實于是而有僞者亦勢使然也今之所爲東林者又一變往時欲錮之林下者今且下及草野夫盛世豈有黨錮之事何論朝野亦辨其真與僞而已矣余于是條次其本末以使之

觀者有所考而感焉

附寄孫鍾元傳青主兩先生書前渡河過衛輝見
孫先生過太行見傳先生私幸海內孤桐碩果並
獲親承提誨快慰平生迄聆高論分晰東林逆党
諸事誠見之確斷之明足爲千秋定論 不肖小子

向讀先子啟禎兩朝剝復錄稍知明季遺事此書

攸關朝野直書不隱昔罹兵燹散失聞歸德侯賢

撫曾錄副本家藏

堅

三走中州訪茲遺稿于侯仲

衡先輩家始得之惜零落不全蒙兩先生下索數

番知護惜人文畱心家國敢不奉教適仝曲沃李
仲木客大梁特錄稿囑其代寄幸存爲他日之信
史不則效心史沉鍊函于井底耳乙巳秋九月孟
堅寄于杞縣